

پازار ایرتسی - فی ۲۳ جمادی الاخر سنہ ۳۲۷ و فی ۲۹ حزیران سنہ ۳۲۵

جمعیت علمیہ اسلامیہ نک ناشر افکاریدر

صاحب امتیاز :	سر محرر :	مدیر مسئول :
فانغ مجیز درسعاملرندن	فانغ مجیز درسعاملرندن	مشیت مک، و بی قلی خلفاسندن معمار زاده :
شہری احمد رامز	مصطفی صبری	محمد علی

مندرجات :

طلبة علمه	مصطفی صبری	تاریخ اسلام صحائفندن	طاهر المولوی
۳۱ مارت حادثہ سی	محمد فطین	ادبیات	
سلامت، التزام حقیقتندہ در	ابن الا مین محمود کمال	امام حنبل	محمد عارف
انسانیت - مدنیت	ابن الا مین احمد توفیق	علم، جہل	محمد علی
سیاست شرعیہ	ابن حازم فرید	استقادات	مصطفی صبری
عقیدہ مشہور	محمد علی	منقرہ	
		حکام شرع لایحسی	

نسخہ سی ۱ غروشد

آبونہ اجرتی (پوستہ اجرتیلہ برابر)

مملک اجنبیہ ایچون :
۱۲،۶۰ فرانق
» ۶،۳۰

استانبول ولایات ایچون :
برسنہ لک ۶۰ غروش
النی آبنی ۳۰ »

درج ایدلمان اوراق اعادہ اولنماز

قارئلر مزہ :

اکثر مقالانہ ایت کریمہ واحادیث نبویہ درج ایدلمش بولندینی نظر اعتبارہ آلہرق رعایتسز لکدہ بولندمامہ سی رجا اولنور .

درسعادت
احمد ساقی بک مطبعہ سی

اهل حق حقیقی تحقیر ایدمز . تحقیر ایدر سه
اتحاری شهادتہ ترجیح ایتش اولور .
اذواق دنیویہ ، رؤیا قیلندندرکہ خواب غفلت زائل
اولنجه صاحب رؤیا ، درد خار ایله وایلا ایدر .

یاخود لذائذ حیاتیہ ، خولیا مثابه سنده درکہ هو
سات وشهواتک ترتیب ایتدیکی دستکاه وهم وخیال
— عقل وفکرک خفیف برضربه سیله — زبروز بر
اولنجه صاحب خولیا ، کندی نظر ندہده محض خیال
اولور .

ایشته — خماری ذوقندن اکثر اولان — اورؤیا
وخیالیانک ماهیتی — سایه فیض دیننده — کشف
ایدنلر ایچون الک مشکل دملر ددهده التزام حقیقت محافظه
حیاتدن دہامہدیر .

زیرا حضور خلقه کذب وریایله جقیقہ بیلیر سده
حضور حقہ چقیمق ایچون حقیقتدن بشقه رهبر یوقدر .
حق ، حقیقت ایستر . حقیقتدن عدول ایدنلر —
فرض محال اوله رقی — دنیاده کارایتسه لرده عقباہ
خسران ایدیہ محکومدرلر .

بو ، بر حقیقتدرکہ عکسکی ادعا ایدنلر نعمت بصر دن
یاخود نعمت شموردن محرومدرلر .

«وانظر واکیف کان عاقبة المفسدين»

ینہ انسان واردرکہ محاسندن اجتناب ، مساویہ
انجذاب ایدر . مساوی اعمالک برکرداب خطر انکیز
اولدیننی عقلا و نقلا بیلدیکی حالده اوخوف کردابدن
روکردان وشاهراہ محاسنه پویان اولماز .

منافع خسیسه دنیویہ نی ، منافع اخرویہ یه تقدیم ایدر .
روزگار هانکی طرفدن وزان اولسه — فیرداق کی —
اوجهته توجه ، اوجهتن استیقای حظه حصر فکر
ایدر .

[«روزگارک اوکنه دوشمه ین آدم یورولور»

میدانده اطرافده بیوک بر مستطیل شکندہ اخذ موقع
ایدن عسکرک اورته سنده بزدن بشقه کیمسه یوق ایدی
غلاور لریمز واسطه سیله مبعوثان قوسنه قدر کلدک .
وعسکرلرک سوز باشلرینک ایچورده اولدیننی اکلا دق .
مبعوثان قوسوی اوکنده ایچرویہ اصل هیئت علمیه ک
کیرہ بیلیمسی ایچون تشبثاتده بولنلمش ایسه ده آنرله
برار بر جوق بیلمدکلرم کیردی . وبعضیلر یه خارجه
قالدیلر . بن ایسه شوتشبت واقعمزک مطلوب اولان نتیجه یه
اقتران ایدمه چکنه حکم ایلدی کمدن و ایچورده بولنلما دمن
هیچ بر فائده حاصل اولمه جفتی اکلا دیغمدن اوقاف
اوکنده کی منطقه عسکر یه دن چیقار ق شو حرکت باغیانہ
برمدت تماشا ایتدم ، تام ساعت آلتیده « یا محول الحول
والاحوال حول حالنا الی احسن الحال » دیه رک ایاصوفیه
جامعی ایچریسندن بوخشر وطنی ترک ایلدم .

محمد فطین

— سلامت ، التزام حقیقتده در —

تخالف طبایع ، ابنای بشری صنوف عیدیه یه
آیرمشدر . انسان واردرکہ حیاتنک هر دور سنده محاسنه
انجذاب ، مساویدن اجتناب ایدر .

فطرت پاکیزه سی بر تربیه فاضله ایله تنور ایتسدیکه
محاسنه میل — مساویدن نفرق نسبتده — ازدیاد ایدر
اسباب مجبره ، اومیل نفرق تغییر ایدمز .

هانکی خصوصده اولور سه اولسون ، خلاف حقیقت
اطوار و کفتاره تصدی ایلکم او مرد منور نظر ندہ
اتخاردن دها وخیم کورینیر .

چونکہ راه حقده اثبات قدم ایدنره کوره طریق
اعوجاجه رکون ایتکم . طوغریدن طوغری یه حقیقی
تحقیر ایتکم دیمکدر .

حكمتك بومسئله قابل تطبيق اولديغنى ايضاح ايتك
التزام مالاييزم حكمندهدر .]

دم كليركه ترويج محاسن وتزييف مساويده حق پر
ستان ايله هم زبان اولور .

زمان كليركه قضيه نك عكسى التزام ، غشاشانه كلام
ايدر . زيرا مسلك حقيقتده تلون اولمديغى كجى حقيقتدن
تباعد ايدن افكار مظلمه اربابى ايجونده برمسلك معين
اتخاذينه امكان يوقدر .

(محبت من شيخ ومن زهده)

(تذكر الناس واهوالها)

(يكره ان يشرب من فضة)

(ويشرب الفضة ان نالها)

مألنه جان ويرن اوسالوسك وجود منحوسى عالم
انسانيت ايجون لك دهشتلى خيره وفسقه دن دها مضردر .
دشمن حق اولان بودرلو غشاشين روزكارك طريد
باب الهى اولدقلىرى (نورالحق) صلى الله عليه وسلم
اقدمن حضرتلى بيان بيوريورلر : « من غش فليس
منا » .

شوعالم كون فسادده بوقلمون كجى دقيقه ده بيكرنكه ،
شعبده بازكجى بيك شكل وصورته كيرن قلاشلا . دشمن
حقيقتدرلكه كوستردكلرى نك وشكل ايله قلوب
قاسيه ي — برقات دها — اضلال ، قلوب صافيه ي
اغفال ايدرلر .

شواضلال واغفالندن مقصدنهر ، جرمنفعت دكلجى ؟
انصاف اولنسه دنيا دنيلان دغدغه زار هيچا هيچك ،
حيات دنيلان انفسا مه وده نك اوقدر حرص وطمعه
تعملى اولمدينى بالارتد اعتراف ايديلير .

طنطنه عالمي آوازه طبه تشبيه ايتشلا . طبلك
— صداسى ايسترسه عيوقه چيقتون — ايجى هر حالده
بوشدر . بوشه قوششق ، قزانك بوشقه دلالت ايدر .
طنطنه لرله ، دبدبه لرله عزت حقيقه اكنتساب ايديله من .

دبدبه نك عزته نسبى ، خيالك حقيقته نسبى كبيدر .
عزت حقيقه ، ايمان كامل اربابنه موعوددر . حق
پرستان امت دارينده معزز ومسموددر .

بيك درلو وسائل سخيفه توسله تدارك ايلدكلرى
محتشم كردونه لرله ركوب ، مزين لباسلرله ستر عيوب
ايدن غفلت پردازلر . — ذليل وحقير اولان — نفس
ايمهلرلنى انظار انامده اوصورتله عزيز وشريف كوستر
مك امل باطلنده بولورلرسده حقيقت . اوضاع ابلهفر
يانه ايله ستر ايديله من .

طنطنه بي سود ايله حياه حيات قاتيله من . عمر برشر
محدوددر . انفس ممدوددر . ثروت ، انفاى تربيد ايديله من
رزق ايسه مقسومدر . زيذك محبى . عمر وك عداوتى
رزقى تربيد وتقبض ايله من . نعمت حقكدر . حق
نعمتى ايستديكى قولارينه احسان ايدر .

سعادت حقيقه ، حضور قلبددر . حضور قلب .
ثروته استحصال اولنه ماز . سعادت عظمى ، غناى قلبه
وابسته در . غناى قلب ، بخشايش الهى به قناعتله حصل
بوفيض جليلده ارباب ايمان نائل اولور .

رزق مقدره عدم قناعتله جرمنفعت ايجون — كسوة
ريابه بورونورك ، ييلان كجى يرلرده سسورونورك — عباد
اللهى اضلال واغفاله چالیشان منافقلىك دنيا وعقباده
وقف ذلت ونكبت اوله جقتلرينه حكم ايتمه مك يا جهل
بو جهلاندهن . يا خود عناد نمرواندهن تولدايلر .

اسلام ، كائنات انسانيه نعمتدر . هر مسلم .
حصه سنه اصابت ايدن نعمتدن ابناء جنسنى مستفيد ايتكه
مأموردر . خير الناس اولىق ايجون نفع ناسه خدمت
ايتمكدن باشقه يوقدر .

اضرار ناس ؛ فظلام . م . ا . الشيوك فضيحه در .
منفعت شخصيه سنى تأمين ييجون ناسى اضرار ايدنلر ؛
البته غضب حقه كرفقار اوله جقتلدر .

بيلمه يئرلر قطعاً بيلىميدرلر كه منفعت شخصيه ، منفعت

قدرد متسلسلاً بو مقصد و وصول ایچون اتخاذ و تعقیب
ایدیلان اصول و وسائط، قواعد مدنی و ایجابات انسانی به
کاملاً و تماماً نوافی ایدوب اتدیکی تدقیق و ملاحظه دن
وارسته و تلاماق انسانیت متدنی به قارشی بداندیشلکدن
معدود اوله ماز .

بالعکس غایه تکملی وعد ایلیان مدنیته مقتضیاتندن
بیانمک لازم کلمر . - زیرا بر مقصدک استحصالی امرنده
مراجعت اولنه جق و سائل، وقوع بوله جق تشبیهات
قاصد و متشبهک مدلی و طبیعتنه کوره - بعضاً طرز معقول
و مقبولک خلاف دده جریان ایده بیسلمک احتمالات
ورده دن و بلکه واقعات مشهوده دن بولندینی ایچون
مدنیت نامنده بعض دفعه مدنیت صحیحیه به ملایم و
موافق دوشه میه جک احوال غریبه حدوثی احتمالدن
خارج صایبلا ماز . کرچه مدنیت نه رتبه آملی و تکمل
ایتمش اولور ایسه اولسون بر قوم و جماعتی عمومیتله بلا
استثنا صلاح تامه مظهر ایلمسی ممکناندن اوله میه جی
غیر منکر در . چونکه مدنیتک ملکیت دیمک اولمدینی
بدیهیدر . معصومیت کامله و عمومیه شوعالم کون و فسادده
میسراوله ماق ، بین البشر متمدن اولسون ، غیر متمدن
بولنسون - معصومینه مقابل مجرمین دخی نقصان اولماق
بر امر ضروریدر . مدنیتک لطف و فائده سی صلاح ایله
طلاحک ماهیتی کایلیق اظهار ، و ارباب عفت و عصمته
تجاوز و تسلطن خالی قالمیق شارندن اولان اشراک
تحدید و منع شرت و مفسدتی وسائلی استحضار ایله برابر
احتیاجات و تمایلات مادیه و معنویه جه یسرو سهولت
وامنیت و موفقیت تبیه و تأمینیه حسابات عمومیه بر
جبرای انتظام و سلامت ویرمکن عبارتدر . یوقسه تغییر
خلقت و ماهیت ابدیاً و قاطباً محالانددر .

قدرد و حکمت ازلیه شاهراه صدق و صلاحی
و کرداب فسق و طلاحی تفریق و تمیز خاصه سیله برابر بونک
برینی اختبار و تعقیب امرنده فطرت بشریه به براستعداد

عامیه ترجیح اولنه ماز . هانکی فرد -- هانکی نام ایله
اولورسه اولسون - منفعت عامه بی ایلری سورهرک
منفعت شخصی به سنی تأمینیه صرف فکر ایلرسه برکون
-- عدل الهی ظهور ایدر - کندیشی متضرر ، عامه
مستفید اولور .

بناءً علیه (السعيد من اعطف بغيره) مال جلیله دقتله
-- منفعت شخصی به سنی استحصال، منفعت عامه بی استقلال
ایدن -- اشخاص ردیه نك عاقبت حالندن متعظ و متنبه
اولورق دائماً التزام حقیقت، دائماً نفع عمومی به خدمت
ایتمک چالیشمیدر .

چونکه سعادت ، نفع عامیه خدمتده در .

سلامت ایسه التزام حقیقتده در . .

ابن الامین محمود کمال

«انسانیت - مدنیت»

بشریتک منتهای تکمله ایصالنه عائد ، اک موافق
و مساعد اسباب و وسائلی جامع اولسی لازم کلان
مدنیت حاضره مسائل اجتماعیه و وظائف اصایه جه استلزام
ایلمکده بولندینی تأثیرات اعتباریه اهمیت و دقت مخصوصه
صیه شایندر . اقام و دیارک و طبایع و اطوارک تفاوت
و تحولندن منبعث فوق و اختلافدن قطع نظر، بالجمله
اقوام مدنیه، حتی دائرة مدنیتده کی موقعیله ی هنوز
تصدیق و تسلیم اولنه میان فقط - مدنی بالطبع بولنلری
جهتله - عالم مدنیتده کندیلرینکده حیز مخصوصه
استعدادا و استحقاق فطریلری منکر اولمیان اقوام غیر
تمدنه دده غایه مقصود اساساً حیات و معیشتجه وسعت
و استراحت تأمینیه معظوف و منحصر بولندینی جای
منافسه دکلدر .

شوقدر که افراد اشخاصدن بدایله جمعیتله ، حکومتله